

Namołwa němskich biskopow k swjatkownej akciji Renovabis 2024

Lube sotry a lubi bratra,

„Pokoj budź z Wami“ – takle z rowa stanjeny Chrystus swojich wučomnikow strowi. „Pokoj budź z Tobu“ – tole sej tež jako wěriwi wzajomnje na kemšach přejemy. Přetož Chrystus je nas k tomu powołał, zo bychmy jeho naslědujo so z gratom pokoja a měra stali. Naše mysle a naše jednanje k tomu přinošuja, zo byštej so měr a pokoj na swěće přisporjałoj. Hesło lětušeje solidarneje akcije Renovabis tole zwuraznja. Wone rěka: „Zo byštej měr a pokoj rostłoj. TY wučinješ rozdźěl“.

Renovabis rozprawja wo pozbudźowacych přikładach z měroweho džěta swojich projektowych partnerow w srjedźnej a wuchodnej Europje: Tak zasadźuje so katolska cyrkej w Bosniskej a Hercegowinje, hdžež před 30 lětami zakónčena wójna hač do džensnišeho dale skutkuje, na mnohostronske wašnje za dialog a wujednanje mjez ludowymi skupinami. W Ukrainje leži spěchowanske čěžišćo skutka Renovabis w tym, zo wopory wójny na psychosocialnym polu přewodźuje; z tym kładže wone hižo nětkole zdobom zakład za přichodne prócowanja wo měr a pokoj.

Lube sotry a lubi bratra, prosymy Was: Podpěrujće džěto skutka Renovabis a jeho partnerow z tym, zo so za naležnosć modliće a swjatkowničku wulkomyslnje něšto do kolekty daće. Za to so Wam wutrobnje džakujemy.

Augsburg, 22. februara 2024

Za Drježdžansko-Mišnjanske biskopstwo

+ Heinrich Timmerevers

Drježdžansko-Mišnjanski biskop